

Universal Declaration of Human Rights - Quichua, Chimborazo Highland

© 1996 – 2009 The Office of the High Commissioner for Human Rights

This HTML version prepared by the *UDHR in Unicode* project, <http://www.unicode.org/udhr>.

RUNAKUNAPAK HAYÑITA WILLAY

KALLARI YUYAY

Kawsaypi yuyashpa, kishpiriy, paktakay, allpapachapi kasikllakawsay tiksikakpimi tukuy runakuna sumak kawsayta charichun nishpa riksin; shinallatak sumaykayta (dignidad), paktapakta hayñita ayllumanta mana pi kichuchunmi riksin.

Kawsaypi yuyashpa, piñashpa mana riksin, runakunapak hayñita saruy, runapura wañunakuna yuyaymi tukuysami kawsaypi sapiyashka nin. Chaymi tukuysami llakikunata llaktakunaman apamushka. Chaymantami runakunaka tukuy llaktakunapi kaparishpa kishpirishka kawsayta yuyashpa mashkay kallarin; wakcha runakuna, llakta runakuna, upallalla kawsak runakuna, shitashka runakuna kishpirinata munan. Mashná kay pachapi kawsakkunami kay amsa, ñawsa, milli kawsaymanta llukshinata munan. Kipaka kishpiy rimayta, yuyayta charina kan.

Kawsaypi yuyashpa, runakunapak hayñitaka, paypak hayñimi nishpa shuktak kamachi llakakuna kamashka kachun. Shina waKcha runakuna piñaywan hatarikpi, tikra charikkuna mana wakchakunata hawalla wichkana wasiman pushachun, mana hawalla wañuchichunpash.

Kawsaypi yuyashpa, llaktapura mayhanpash mashiyarishpa, alamarishpa kimirishpa alli llankaykunata tukuy ayllukunaman rurashpa katichun. Shina alli kawsayta tukuykuna runakuna charichun.

Kawsaypi. yuyashpa, tinkirishka llaktakuna hatun killkata katishpa runakunapak tiksikayñipi yuyashpa, sumaykayta runata chanishpa, kariwarmipak hayñi paktapakta kachun nishpa kutintak arinishka. Shina runa llaktakuna allichirichun, paykunapak kawsaypash kishpirishpa kachun. Ama kutintak amsa llakiman tikrachun nishpami tinkirishka llaktakunaka kayhayñita arinishka.

Kawsaypi yuyashpa, tinkirishka llaktakunapash. paktachinata minkarishpami runa hayñita kamanata arinishka. Shina mamallakta tantanakuykuna . yanapanakushpa, runanakunapak tiksikayñi, kishpiriyashpa tukuy runakunaman ~ paktachun yanapanka.

Kawsaypi yuyashpa, hayñi yuyaykuna, kishpirishka yuyay kuna tukuypi tiyachun, shina llaktakuna arinishka kamachika, tukuysami kawsayta charik runakunaman pampanta paktachun.

TINKIRISHKA LLAKTAKUNA, HATUN TANTANAKUVTA RURASHPA LLAKTAKUNAMAN RUNAKUNAPAK HAYÑITA WILLAN

Titikirishka llaktakunaka, mamallaktakunapak hatun tantanakuypimi runapak hayñitaka tukuy llaktakunaman willan. Llakunapak yuyay kashkamantaka, shukllashina tukushpa, tukuypak yuyay kan nishpami ñakarishpa pushana kan. Sapallél runakuna, tantarishka runakunapash, kishpiyrinapi punchanta yuyashpami kay hayñitaka paktachina kan. Kay hayñitapash, kishpiyrina yuyaytapash yachachikwasipi, ayllukunapi, tukuy mamallaktapi kamashpami apana kan. Tinkirishka llaktakunapash, shuktak mamallaktakunapash runakunapak hayñita. riksissha paypak llakta ukupipash paktachinami kan. Chaymi runa hayñipash, kishpiriyashpa pakarishkina rikurinka. Chaymi alli kawsaykuna tukuypak chayanka.

1 niki

Tukuy runakunami maypipash kishpirishka, sumaykaypi(dignidad) paktapakta wacharin. Chay wawakunaka sumak yuyaykuna, tiksikay (fundamental), huntami kan; chaymantami runapuraka shukllashina tukushpa, yanaparishpa kawsana kan.

2 niki

Kay hayñita willashka kipaka tukuy runakunami ima tullputa, kawsayta, kariwarmita, rimayta, iñiyta, llaktay yuyayta, maymanta kashkata, charik kashkata, wakcha kashkata, wacharishkata, shuktak yuyaytapash mana rakishpalla kishpriya, runahayñitapash ch'arin.

Shinallatak: llaktakak, kamachi yachak, istakak, mana paypak allpapi kawsak, chikan llaktakak, llapirishka llaktakak, saywashka llakta kappash, kay hatun willaypi nishkashina, kishpiriya, runapak hayñitaka charinmi, mana chikanyashka, manyayachishka kanchu.

3 niki

Tukuykunami kikin kawsay, kishpiriy, kikin shayariy hayñita charin.

4 niki

Mana pipash wanachiwasipi ñitishka, takashka kanachu, shinallatak mitayu llankaypash ña mana tiyanachu. Tukuysami wanachiykunakatukurirkami, chayka ñami washapi sakirirka.

5 niki

Mana pi watashka, utushka, makashka kankachu. Mana pi, anchamillashka, wiwatashina rikushka, kumurichishka, llapishka kankachu.

6 niki

Tukuy runakaymi paykunapak hayñita charin, tukuy llaktakunapimi paypak kikin kapakkayta Uuridico) riksishka hayñita charin.

7 niki

Kamachipak nawpakpika tukukunami paktapakta kanchik, runaka kamachik mana chikanyachishka paktapakta kamashka hayñitami charin. Tukuykunami TUKUY RUNAKUNAPAK HAYÑITA pipash sarushpa runakunata piñakukpi, millikukpika sinchita. shayarishpami harkana hayñita charin. Tukuysami saruykachaytapash harkanami kan.

8 niki

Tukuy runakunami kimsa kapakkamachikpak(tribunal) ñawpakpi, ima llakimantapash pay illuta nishpa paktachina hayñita charin; paypak mclrYlakamathi arinishka, shuktak kamachikunapash arinishka tiksihayñita wakllichikukpika llaktakunaka mana sakichún.

9 niki

Mana huchayuk runataka pipash mana yanka watankachu. Wanachina amsa ukupi mana pipash churankachu, paypak allpamantapash mana surkunkachu.

10 niki

Tukuy runami pay rimashkata kimsa kapyak kamachikpak ñawpakpi, tukuy runakunapak ñawpakpi, shuktak runakuna shinallatak paktapakta uyachina hayñita charin. Paytak mana kimirishka kishpichik kamachik, hayñikunata, kanakayta (obligación) rikushpa shukkutin ima kaktapash nichun. Hucha tiyakpi wanachikanawasiman kachachun, kutin mana hucha tiyakpika kishpichichun.

11 niki

1. Tukuy huchachishka runakunami, hucha mana illu kappika llullapi llukshina hayñita charin. Huchachishkata llullapi llukshinkap, akka: kamachikkuna imata nishkawan, tantarishka runakuna. i'mata nishkawan, taripaypi imata nishkawanmi inchita shayarishpa kishpirina kan.

2. Mamallaktapak hayñi ñawpakpi, llaktapura hayñi ñawpakpi, llakita rurashka mana ancha hucha kappika mana pi supaychashka(condenado) kankachu. Llakita aparikuy pachapi wanachishkata yalli llashak wanaytapash mana churankachu

12 niki

Mana pi kinkinpak kawsaypi, wasipi, ayllupi yanka yaykurinata charinchu. Kikin . alli shutitapash mana yanka kaminachu kan, kayman kachashka willaytapash mana paskanachu kan. Tukuy runami kamachiwan killparishpa, kikin kawsayman mana pipash satirichun harkana hayñita charin.

13 niki

1. Tukuy runami paypak llaktapika kishpirishka purinata, maypi kawsana kuskata akllana hayñita charin.
2. Tukuy runami mayhan llaktamanta, paypak llaktamantapash llukshirina hayñita charin. Kutin paypak llaktaman tikrana hayñitapash charin.

14 niki

1. Katikachakpika, tukuy runami mitikushpa pakakukuna kuskata mashkana hayñita charin, chay hayñiwanmi may llaktapipash alli kawsana kuskata charinata ushan.
2. Kay hayñika huchayuk pakakukushka llaktapak kamachikunawanpash mana takarikchu kan. Shinapash kay hayñika: ancha' huchata charik runataka mana yanapankachukan, shillatak tinkirishka llaktakuna kamachishkata saruktaka mana yanapankachu.

15 niki

1. Tukuy runamishuktak llaktaman llaktayay(nacionalidad) hayñita charin
2. Llaktayay hayñitaka mana kichunkachu, shuktak. llaktaman rantinchirina llaktayay hayñitapash mana kichunkachu.

16 niki

1. Kariwarmi paypakkunapak mitata paktachishpaka: tullputa mana rikushpalla, ista kashkata mana rikushpalla, ima iñikta mana rikushpalla sawarina hayñitami charin. Shina yayamama tukushpa, shuk aylluta wallpashpa, kariwarmi paktapakta sawarishka kawsay watakama sumaktami kawsanka. Sawarishkamanta paskarishpapash allita kawsayna hayñitami charin.
2. Kariwarmi paykuna kishpirishka yuyaywan munanakushpallami sawarinka.
3. Llaktakunapak tiksi nipaka ayllumi kan, chaymantami paykunaka ayllullaktapash, mamallaktapash kamashka kanka.

17 niki

1. Tukuy runamimaypi kawsana kikin allpata, kikin wasita, nipakunatapash charina hayñita charin. Shinallatak tukuypak tiyachun haynitapashmicharin
2. Pipash paykunapak allpata, wasita, imatapash mana kichunkallachukan.

18 niki

Tukuy runami kishpirishka yuyayta, shunkuyuyayta(conciencia), iñiyta hayñita charin. Shuktak iñinaman yallinata, pay munashka pachakamakta katina hayñitapash charinmi. Shinallatak shuklla, tantarishpapash shuk iñiyta katina hayñitami charin. Tukuykunapak ñawpakpi payllapash shuk iñiyta rikuchina hayñitami charin.

19 niki

Tukuy runami imatapash willana, rimana hayñita charin, kaytaka mana pipash katirayashpa harkanata ushanchu. Taripayta, willayta, alli yuyayta chaskinatapash ushanmi. Pay wiñachishka sumak yuyaykunataka: ankimanta, karurikuchikmanta(televisión), shuktak ñanmantapash mana saywarishpalla willanatami charin.

20 niki

1. Tukuy runami tantanakuna kishpita, kasiklla tantanakuyta wiñachina kacharishka hayñita charin.

2. Mana pipash shuk tantanakuyman munay, mana munay pushashka kankachu.

21 niki

1. Tukuy runami paypak llaktapi kamachik tukuna hayñita charin. Payllatak sapalla, mana kashpaka akllashka kashpapash kamachik tukuna hayñita charin

2. Tukuy runami paypak llaktapika, shuktak runakuna shinallatak llaktallankaypi (funciones públicas) paktapakta llankana hayñita charin

3. Llaktakunapak munaymi tukuy runakunapak tiksi kamachi ushay kan, kaytakakikin watanta tukuy llaktakunapi kamachikunata paktapakta akllaypimi rikuchina kan. Kaytaka pakalla, pipash mana yuyachishka kikinllatakmi shutita kushpa shinata kan. Shinallatak nishanik shuktak sami akllaykunapash kishpirishkami kan.

22 niki

Llaktapak ayllu kashkamantaka, tukuy runakunami kamashka kawsana hayñita charin. Allita kawsankapakaka payllatakmi ñakarina kan, paypak mamallaktapash, kay ayllutaka shuktak llaktakunapash yanapanatami charin. Paypak llaktapi tiyashka kullkiwan, nipakunawan yanaparishpa sumakta kawsana hayñitami charin. Kacharishka kawsayta charishpa, pay munashka wiñarina hayñitapashmi charin.

23 niki

1. Tukuy runami llankana, llankayta akllana kishpirishkahayñita charin. Kikin munashka paktapakta llankaytami charina kan. Llankaymanta mana shitashka kankapakka, paypak llankaytaka payllatak kamarayanami kan.

2. Tukuy runami mana akllarishkakana, paypak llankashakamantapash paktapakta kullkitaka chaskina hayñitami charin.

3. Tukuy llankak runami pay llankashkamantaka munashka paktapakta kullkita hapinata charin. Shina paypak aylluman alli kawsayta kuchun, paypash alli kawsayta charichun. Kay illakpika mayhansami kamaywanpash paktachishkami kanka.

4. Tukuy runami tantanakuyta wiñachina hayñiya charin, chay tantanakuyka paykunapak charishkatalla kamankapakka mana kanchu.

24 niki

Tukuy runami samarina hayñita charin~ kacharishka samaypachata amikta kushiyarina hayñitapash charinmi. Tawka watakama, shaykunkakama llankana kuskatami charin, samarishkamantapash kullkita hapinami kan.

25 niki

1. Tukuy runami payta kamak, alli kawsayta kuk patapi kana hayñita charin. Shinallatak paypak aylluta, allikawsayta, allikayta, alli mikuyta, alli churarinata, alli wasita, alli hampirinata, mitacoita (servicio) charina hayñita charin. Shinallatak mana llankayta charishpa, unkushka kashpa, wakllirishka kashpa, sapalla kashpa, payayashpa, shuktak llakikunata charishpapash yanapachun hayñita charinmi.

2. Chichu warmipash, llullu wawakunapash alli kawsayta charina, allinta kamashka kana hayñitami charin. Tukuy kariwarmi wawakuna sawarishkayayamama ~ wachashka kashpa, kuytsa wachashka sapalla warmi wachashka kashpapash paktapakta kacharishka hayñitami charin.

26 niki

1. Tukuy runami yachana hayñita charin. Tiksi yachay, shuktak tiksi yachaymantapash mana kullkita kuna kanchu. Tiksi yachayka tukuykunapak yachanatakmi kan, yachanamantaka mana 'pipash sakirinachu. Rurayyachay, sumakyachaypash hatunyashpa tukuy

Ilaktamanmi chayanka. Hatun yachaykunaman yaykunaka tukuypak paktami kanka, shinami paykuna chaskina kashkata paktachinka.

2. Yachayka runakuna yuyaypi may alli wiñarinatami yanapanka, runakunapak hayñipi iñiyta, tiksi kishpirinatami sinchiyachinka. L1aktapura, runakawsaypura, iñikpura hamutayta, hikullayta (tolerancia) mashiyarina sinchiyachunmi yanapanka. Tinkirishka mamallaktakuna kasiklla kawsayta charirayachunmi willashpa runakuman yachachinka.

3. Taytamamaka imasami yachayta churikunaman kunkapakka akllana hayñitami charin.

27 niki

1. Tukuy runami kishprishka yuyaywan ayllullaktawan kimirishka kawsana hayñita charin, makiruraykunawan taripaykuna amawtariy Ilankaypipash chaypimi kanata chaTin. Pay Ilankashkamantapash imallatapash hapinatami charin.

2. Tukuy runami paypak alli shutita, amawta Ilankaymanta rikurishka nipakunata kamana hayñita charin. Pay killkashka arawikunata Ilankashka makiruraytapash kamana hayñitami charin.

28 niki

Tukuy runami tukuy paypak Ilaktapi kawsak runakuna, istallaktapi kawsak runakunapash nikishka kawsayta charichun yanapana hayñita charin. Shina kay hayñi, kishpiriypash tinkirishka Ilaktakuna willashka hayñikuna tukuy Ilaktaman paktachun.

29 niki

1. Tukuy runami ayllukunaman kanakayta(deber) ayllullaktaman kunata. charin. Paypak ayllullaktapillami kishpiriy hunta kawsayta, kikinkayta charishpa may allita wiñarinka.

2. Paypak hayñita, kishpiriyta hapishpaka kamachikuna nishkapilla watarishpami saywarishka kanka. Payka, kikin hayñita, kishpiyta, iñina yuyayta; allirunakayta, sumaychayta(respeto), tukuypak yuyayta paktachina raykumi saywarishka kamachi kanka. Kipaka: ayllukuna, Ilaktakuna sumaklla tiyachun, mana mashikunata kichushpa, kamishpa, millishpa kawsachun yuyashpami kamachi nishkata paktachinka.

3. Tinkirishka Ilaktakuna yuyarishkata tiksi hayñiwan, kishpiriywan, nimamantapash takarishpa Ilakichina yuyaytaka mana charinachu. Tukuykunami mashiyarishpa kishpirinakunkapak Ilankana kan.

30 niki

Kay tinkirishka Ilaktakuna willashka hayñikunata, kishpiriykunataka, shuklla runamanpash, tantanakuymantapash yankaka, mana pantata willanallachu. Runakunapak hayñita, kishpiriy yuyayta pichana yuyaytaka na charinachu.
